



KPMG ehf.
Borgartún 27
105 Reykjavík

Sími: 545 6000
Fax: 545 6001
www.kpmg.is

Sveitarfélagið Árborg
Austurvegi 2,
800 Selfoss

Takmörkuð staðfesting til Sveitarfélagsins Árborgar varðandi ráðstöfun fjármagns í tiltekin græn verkefni samkvæmt framfaraskýrslu (Árborg Sustainability Bond - Allocation and Impact Report) fyrir árið 2023

Við vorum ráðin af Sveitarfélaginu Árborg (hér eftir Árborg) til að veita takmarkaða staðfestingu (e. limited assurance) á meðfylgjandi framfaraskýrslu fyrir árið 2023 (hér eftir skýrslan). Staðfestingin tekur til ráðstöfunar á fjármagni í tiltekin græn verkefni eins og þau eru skilgreind í „Sustainability Bond Framework“ útgefið í júní 2021.

Álit með takmarkaðri vissu

Byggt á þeim aðferðum sem við höfum framkvæmt og þeirra gagna sem við höfum aflað, kom ekkert fram sem bendir til annars en að ráðstöfunin samkvæmt skýrslunni 2023 sé í öllum megin atriðum í samræmi við þau gögn sem skoðuð voru.

Ábyrgð stjórnenda

Skýrslan er lögð fram af stjórnendum félagsins. Þeir bera ábyrgð á að hanna, innleiða og viðhalda innra eftirliti vegna upplýsinga sem viðeigandi eru til að útbúa skýrslu. Einnig bera þeir ábyrgð á söfnun, greiningu og framsetningu upplýsinga sem settar eru fram í skýrslunni og að skýrslan sé án verulegra annmarka hvort sem er vegna sviksemi eða mistaka. Þá eru stjórnendur ábyrgir fyrir því að starfsfólk sem kom að vinnslu og framsetningu skýrslunnar hafi hlotið viðeigandi þjálfun og að upplýsingakerfi séu uppfærð.

Ábyrgð okkar

Ábyrgð okkar er að veita takmarkaða staðfestingu á sjálfbærnisráðgjafi félagsins. Skoðun okkar var unnin í samræmi við alþjóðlegan staðal um staðfestingar, *ISAE 3000 Assurance Engagements other than Audits or Reviews of Historical Financial Information*, sem gefinn var út af International Auditing and Assurance Standards Board. Samkvæmt staðlinum ber okkur að skipuleggja og haga vinnu okkar svo unnt sé að veita takmarkaða staðfestingu um hvort sjálfbærnisráðgjafi sé í öllum meginatriðum án verulegra annmarka. Takmarkað staðfestingarverkefni er minna að umfangi en staðfestingarverkefni með nægilegri vissu (e. reasonable assurance). Að auki geta ófjárhagslegar upplýsingar verið háðar frekari takmörkunum en fjárhagslegar upplýsingar, bæði vegna eðlis þeirra og aðferða sem notaðar eru til að ákvarða, reikna og áætla slík gögn. Þær aðferðir sem beitt er við takmarkaða staðfestingu eru mismunandi eftir eðli hvers verkefnis og eru umfangsminni en óháð staðfesting. Þar af leiðandi gefur takmörkuð óháð staðfesting ekki eins mikla vissu og þegar um er að ræða óháða staðfestingu.

KPMG hefur innleitt alþjóðlegan gæðastaðal, International Standard on Quality Control 1, og hefur því innleitt víðtækt gæðakerfi, þar á meðal um að hafa skráðar stefnur og verklag varðandi fylgni við siðareglur, faglega staðla og viðeigandi kröfur laga og reglugerða.

Við höfum uppfyllt kröfur um óhæði og aðrar siðareglur sem fram koma í alþjóðlegum siðareglum fyrir endurskoðendur, sem gefnar hafa verið út af International Ethics Standards Board for Accountants Code of Ethics for Professional Accountants, sem byggja í grunninn á heilindum, hlutleysi, faglegri hæfni og varfærni, trúnaði og faglegu framferði.

Aðgerðir sem framkvæmdar voru

Takmörkuð staðfesting skýrslunnar felst í að afla upplýsinga, einkum frá því starfsfólki sem er ábyrgt fyrir þeim upplýsingum er fram koma í skýrslunni, greina, meta og afla staðfestinga eftir því sem við á. Þessar aðgerðir fela m.a. í sér:

- Fyrirspurnir til stjórnenda og annars viðeigandi starfsfólks til að öðlast skilning á ferli Árborgar við gerð og yfirferð skýrslunnar.

— Úrtaksprófanir til að sannreyna að þær upplýsingar sem fram koma í skýrslunni séu í samræmi við gögn.

Reykjavík, 30. september 2024

KPMG ehf.

Árni Claessen

Árni Claessen
endurskoðandi